

Page: 10

Reach: 0

Country: BOSNIA AND HERZEGOVINA

Size: 539 cm²

1 / 1

www.pressrs.ba

www.pressrs.ba

OTKRIVAMO KAKO JE RADILA MREŽA

Za Hamidoviće džeparilo 500 maloljetnika!

Bos osuđen u Parizu Istražiocu sumnjuju da su Elvis Salčinović, u čijoj je vili u Zenici zatečen veliki broj djece nepoznatog identiteta i staratelja, i ostali uhapšeni u akciji CD naslijedili poslove klana nakon što je Fehim Hamidović osuđen u Parizu

Ognjen Matavulj
Sarajevo

Kriminalni klan Hamidović, čiji su članovi uhapšeni u akciji SIPA i francuske policije, imali su razgranatu mrežu džeparoša širom Evrope, a istražne agencije vjeruju da je u posljednjih 10 godina pod njihovom kontrolom bilo više od 500 maloljetnika, uglavnom Roma s prostora bivše Jugoslavije.

Te frapantne podatke su tokom suđenja Fehimu Hamidoviću (62), nezvaničnom "kralju" džeparoša, u završnim riječima iznijeli tužioци u Francuskoj koji su rukovodili istragom protiv zloglasnog klanu Hamidović. Osim u Francuskoj, klan je svoje ogranke imao u Austriji, Italiji, Belgiji i Španiji, što potvrđuju desetinu racija, ali i presuda u tim zemljama.

- Klan je bio veoma dobro



KONTROLISALI DJECU Privođenje jednog od osumnjičenih

organizovan i pod svojom kontrolom imali su na stotine maloljetnih džeparoša, uglavnom djevojčica. Toj djeci je bilo strogo zabranjeno da, u slučaju hapšenja, istražiocima otkrivaju svoj identitet. Umjesto pravog imena, svi do jednog su tvrdili da se prezivaju

Hamidović. Djevojčice su bile instruisane i da istražiocima govore da su trudne i da su mlađe od 13 godina, što je u cijelom svijetu granica krivične odgovornosti, odnosno uzrast ispod kojeg se ne može ići u zatvor. Zbog toga su nakon hapšenja bili smješteni u domove iz kojih su, pod prijetnjom odmazde, morali da bježe - naveli su tužioци.

Bez identiteta

Nešto slično prekjče je viđeno u Zenici, nakon što je SIPA u vili osumnjičenog Elvisa Salčinovića zatekla veliki broj djece nepoznatog identiteta i staratelja, koji su predati u nadležnost Centra za socijalni rad ovog grada. Izvor blizak istraži kaže za Press da istražiocu sumnjuju da su upravo Elvis Salčinović i ostali uhapšeni u akciji CD naslijedili poslove klana, nakon što je Fehim Hamidović

A DŽEPAROŠA

Maloljetni džeparoši "operisali" u Parizu, Barseloni, Rimu, Marselju...

osuđen u Parizu.

- Definitivno je riječ o organizovano međunarodnoj grupi, a koliki su bili njihovi dometi biće utvrđeno daljnjom istragom, koja se vodi u saradnji s policijom i Tužilaštvo Francuske - rekao je izvor Pressa.

Norma 300 evra

Iz ranijih presuda klanu Hamidović vidljivo je da je najviše krađa maloljetna vojska džeparoša odradivala ljeti. Omiljena lokacija bio im je metro u Parizu, kao i metropole poput Barselone, Rima, Marselja, koje posjećuje veliki broj turista. Maloljetne žrtve, koje su odlučile da progovore o svemu, pred sudom su svjedočile da su živjele kao robovi i da su bile instruisane da ciljaju turiste aziskog porijekla, za koje je klan smatrao da u novčanicima nose najviše gotovine. "Radni dan" započinjali su u osam ujutro, podijeljeni u manje grupe, a svaka ponašob je dnevno morala da ukrade ili isprosi 300 evra. Ukradeni novac, od njih je, oko 20 časova, sakupljao neko od Hamidovićevih "poručnika" ili si-nova, a svakom maloljetniku od tog iznosa pripalo bi 10 evra. Ukoliko ne isporuče traženih 300 evra, djevojčice bile izložene teškom fizičkom i psihičkom nasilju, batinanju, a u manjem broju slučajeva i silovanju.

Na osnovu tih svjedočenja, Fehim Hamidović, kao organizator džeparoša i trgovine ljudima, u maju 2013. godine osuđen je na sedam godina zatvora. Nakon žalbe, pariski Apelacioni sud kaznu mu je povećao na 12 godina zatvora i novčanu kaznu od 100.000 evra. U istom predmetu, njegova supruga Behija, kao i njihova dva sina, osuđeni su na po osam godina zatvora. "Poručnici", njih sedam, osuđeni su na kazne u rasponu od pet do 11 godina, dok je još 11 članova grupe kažnjeno s pet godina zatvora. Zbog trgovine ljudima i organizovanja krađa Fehim i Behija 2007. godine osuđeni su u Beču na tri, odnosno dvije godine zatvora.